

主 編 卞 甫

副 主 編 陳玉宇

明代基本史料叢刊·文集卷
(第一輯)

『洪武、建文朝』

二七

綫裝書局

楚官其孫之曰陳子寧之安以字行於楚人莫不之知也三進士又中後
翰朱修其建文初授主事左侍郎改左副都御史卒已改御史
府中遂至是不屈就僊李景隆修其力傾之遂族陳姻戚
死百五十一人簡成又斬下人不數全川玉屑集子寧言秦氏
有身生下成而名其子陳洪與初改選



己亥二月初五日下午于陰晦間國樞忽見此茶遂行錄之
此茶刻於正德王侯侯言担茶使文于其時人亦未聞子
寧之為有及也尋歲不知更有何事存此一說亦可重也

黃裳記于未過渝中

明代基本史料叢刊·文集卷（第一輯）·洪武、建文朝

新詮鍾子寧先生集六卷 正德刊本
文瑞樓十思齋藏書 黃覽珩識

金川玉屑集序



玉已碎矣余拾其屑也拾之將焉用焉以其貴
不忍棄也或謂余所拾玉屑未免不別瑜瑕也
余曰要之是玉質焉斯貴之已瑜瑕不相揜此
其所以爲玉也記言君子貴玉不云溫潤而澤
仁也縝密以栗知也廉而不劌義也垂之如隊
禮也叩之其聲清越以長其終詘然樂也瑕不
揜瑜瑜不揜瑕忠也孚尹旁達信也氣如白虹

天也精神見于山川地也圭章特達德也天下
莫不貴者道也嗚呼其忍棄哉金川有義士類
此者余採輯其遺文類編成帙名之曰金川玉
屑集叙其畧

弘治辛亥孟春瓊海王佐序

金川玉屑集卷一

策一首

洪武十八年殿試

皇帝制曰朕稽古名世者惟故事而畏人神趨
事以歷知涉難以立志曰運不息歲運無已雖
在寢食未嘗忘其所以之是大輔人君福臻黎
庶所以名世者爲此也朕自代元統一華夷官
遵古制律放舊章孜孜求賢數用弗當其有能

者委以腹心面從而志異純德君子授以祿位
但能敷古於事束手中才下士廉耻無知身命
弗顧造罪淵泉永不克己張君之惡若非真賢
至聖亦莫不被其所惑若此無已奈何為治爾
諸文士雖在進學之秋未專乎庶典但能條陳
可否則知利鈍既承朕命悉乃心力志根名世
在斯舉始必如朕意

臣對伏見

陛下發德音下明詔以得人之難下詢草茅之
陋其謀之不可謂不廣其求之不可謂不切矣
臣不知

陛下果能有以聽之歟抑將少布衣蹠賤之臣
不足以與天下之大計姑有以試之歟雖然君
以名求臣以實應之

陛下舉是名以問也臣敢不舉實以為對也若
夫好言以招禍觸諱以忘身則非臣之所敢恤

也伏讀

聖策曰朕稽古名世者惟敬事而畏人神趨事以歷知涉難以立志日運不息歲運不已雖在寢食未嘗忘其所以由是大輔人君福臻黎庶所以名世者為此也嗟夫敬事而畏人神一語此乃唐虞三代聖人命官之一本也

陛下能以是求諸古者命世之臣則必以是而擇夫今日命世之臣以彼區區管商之謀申韓

之習焉足爲

陛下道哉

陛下既有意於唐虞三代之臣臣不敢復引漢
唐之臣以爲對請以唐虞三代之臣終焉昔者
舜之命九官十二牧也曰欽哉惟時亮天工武
王之稱有夏之臣曰惟而事厥宗有恭伊尹之
戒大甲曰鬼神無常享于克誠周公之戒成
王曰小人怨女詈女惟皇自敬德夫能以是而

告夫君則能以是而任諸己可見矣曰欽曰恭
曰克誠曰敬德又豈有出於

陛下所謂敬畏之外者乎趨事以歷知涉難以
立志曰運不息歲運不已雖在寢食未嘗忘者
亦孰非敬畏之發見也是故語其大輔人君則
上而唐虞有放勳重華之極治語其福臻黎庶
則下而三代有刑措不用之不績皋陶伊傅周
召之為臣率是道也八讀

聖策曰朕自代三統 華夷官遵古制律故舊
章孜孜求賢數用弗當臣以為

陛下以

天錫之資居表正之位即位以來十有八載孜孜
求賢以為生民計日夜念此至熟也至於敷
用弗當雖臣亦疑之然未敢遽為

陛下道也夫人君之道在於知人人臣之職在
於任事君有知人之明則臣有任事之實矣昔

者臯陶之陳謨曰在知八文王之任宅俊曰克
知三有宅心灼見三有俊心大抵人各有心不
可測度知人之難從古然古之聖人未嘗
患其難而不以是為先務也故唐虞之用人必
敷奏以言而後明庶以功必明庶以功而後車
服以庸未嘗輕易而授之也文王之於三宅也
既得其人以居常伯常任準人之任矣又諸其
才以備常伯常任準人之選焉亦嘗造次而任

之也今

陛下孜孜求賢而數局弗當者無他焉亦察之不詳而用之大驟之過也伏覩

陛下自頃歲以來誅戮姦回作新政治於是紛然擢用天下之士以共成厥功或以聰明正直為名或以孝悌力田為選或以賢良方正為科陛下責望之意非不深也委任之意非不甚專也然而報國之效茫如棼風豈是數者之果不

足以為治哉亦徇其名而不求其實之故也是故古之用人者日夜思之必其人之足以當是任也然後以是任畀之而不疑今也不然以小善而遽進之以小過而遽戮之

陛下求賢之急雖孜孜而賢才不足以副陛下之望者殆此也且夫天下之才生之為難成之為尤難

陛下既知生之成之之難矣又豈忍以區區之

小故而即付於刀鋸斧鉞之地哉昔漢武帝以
英武之資而所用之人或朝奏暮召小不如意
則誅戮隨之故汲黯有言曰以有限之才縱無
窮之誅武帝曰不然天下之才無窮特患人君
不能用之臣以為武帝非不能用之患在不能
知之耳苟誠知之也大以成其大小以成其小
量其才而任之以官因其能而授之以職果姦
邪也則誅之戮之果庸劣也則黜之退之又何